

Uma Pido lavastaja konkurss

Otsitas takan kolmanda Uma Pido lavastajat!

Minkast är' tunnõt:

- saa arvo võro keelest; viil parõmb – mõist võro kiilt kõnõlda'
- tund lõunaeestläisi kultuuri vai taht tuud hindäle selges tetä'
- mõist inemiisiga läbi saia' ja ütte tüütädä'
- arvas, et ilmaelo ja võrokõsõ arvosaaminõ tuust om üts kistumalda põnnõv ja nal'akas asi ja taht tuud kolmanda Uma Pido lavastusõn vällä näüädädä'
- mõist vällä märki', kuis saasi' pidol ütevõrra hää olla' ülesastjil ja kaejil, nii et egäüts tunnõsi är', et taa om kõigi ütine pido
- mõist vällä üldä' võrokeelidse sõna „rüäjüväserbätüs“

Kiä om säänest inemist trehvänü? Andkõ' teedä'!

Pikembält loe' tast edesi:

Hää inemine,

arvada' olõt Sa kuulnu joba katõl kõrral (2008 Võrol, 2010 Põlvan) olnu võrokeelitsest laulu- ja rahvapidost Uma Pido. III Uma Pido tulõ Võrol 1. juunil 2013. Tuud om joba naadu' ette valmistama. Pido kõrraldustoimkund om kõrra kokko saanu ja kõigi muiõ asju hulgan arotõdi muidoki ka tuud, kiä võissi olla' pido lavastaja. Sammamuudu, nigu tetti inne eelmiidsi pitõ, otsustõdi ka seekõrd kõrralda' lavastaja löüdmises konkurss. Tuust antas e-posti tiil teedä' toimkunna puult soovitõdu lavastajile isikligult ja ka Eesti lavastajide liidulõ.

Ku Sa tahassi III Umma Pito lavalõ säädi', sõs oodami Sult ildampa jüripääväs 2011 (23.04) kirja, kon kõnõlõt lühkült umast lavastusideest vai –teemast, mõttist lavastusõga kõüdetült ja tuust, kedä mõtlõt miiskunda ütten kutsu (kunstnik, liikmisjuht, kuurõ üldjuht jms).

Lavastaja põhitüü olõs pido pääkontsõrdi lavalõsäadmine, a oodõtas häämeelega ka mõttit pido pääväprogrammi, rongikäügi ja sümboliidega kõüdetült.

Ku tunnõt, et tahat saia' teedüst mano', sõs otsi' tuud Uma Pido kodoleheküle päält www.umapido.ee, küsü' aadrõsi triinu.ojar@wi.werro.ee vai telefoni 533 22 153 päält. Ku Sa arvat, et uma kontseptsiooni vällamõtlõmisõ man avitasi Sinnu mõlõmbast pidost tett filmi', sõs lepimi kokko, kuis Sa noid kaia' saassi.

Toimkunna esindäjä' tegevä' otsussõ 28. aprillil 2011 Võrol. Ku olõt uma kandidatuuri üles säädnu, sõs ku saat, panõ' hinnäst valmis näidega kokkosaamisõs. Kelläao ja kotussõ annami teedä'.

Hääd vällämärkmist!

III Uma Pido toimkunna nimel

Triinu Ojar,

Uma Pido projektijuht